

3. gr.

29

Tilgangur sjóðsins er að styrkja efnalitla menn, sem hefja búskap í Sauðanes- og Þórshafnarhreppi. 17. marz

4. gr.

Sjóðurinn skal ávaxtast hjá Sparisjóði Þórshafnar og nágrennis eða annarri tryggri peningastofnun, þar til höfuðstóllinn er orðinn kr. 10 000.00, og þá upphæð má ekki skerða.

5. gr.

Tekjur sjóðsins eru:

a. Vextir.

b. Minningargjafir og aðrar gjafir, sem sjóðnum kunna að berast.

6. gr.

Stjórn sjóðsins sé skipuð þrem mönnum: Einum tilnefndum af hreppsnefnd Sauðaneshrepps, og sé hann formaður, kjörtímabil hans sé sama og hreppsnefndar, sóknarprestinum í Sauðanesi og Jóni Jónassyni meðan hans nýtur við, en eftir hans dag maður kosinn af stjórn búnaðarfélagsins í Sauðaneshreppi til 4 ára í senn.

7. gr.

Stjórn sjóðsins ber að halda gerðabók. Í gerðabókina skal færa allar fundargerðir stjórnarinnar, umsóknir um styrk úr sjóðnum, og yfirleitt allt sem varðar hag hans og rekstur. Enn fremur skal þar birta ársreikning sjóðsins. Reikninginn skal endurskoða með reikningum Sauðaneshrepps.

8. gr.

Leita skal staðfestingar ríkisvaldsins á skipulagsskrá þessari.

Ytra-Lóni, í apríl 1950.

Guðjón Kristjánsson.

Jón Jónasson.

Þórður Oddgeirsson.

Staðfesting forsetans á skipulagsskrá fyrir „Styrktarsjóð munaðarlausra 30 barna“, útgefin á venjulegan hátt að mandatum af dómsmálaráðherra 17. marz 1954. 17. marz
Skipulagsskráin er þannig:

SKIPULAGSSKRÁ

fyrir Styrktarsjóð munaðarlausra barna.

1. gr.

Sjóðurinn heitir Styrktarsjóður munaðarlausra barna.

2. gr.

Sjóðurinn er stofnaður með kr. 2000.00, sem gefnar eru af börnum Ólafíu Ólafs-dóttur frá Hlíðartúni, f. 29. sept. 1879, d. 24. ágúst 1953, til minningar um móður sína.

3. gr.

Til eflingar sjóðnum skulu gefin út minningarspjöld, er seld verði víðs vegar um landið. Enn fremur sé tekið á móti alls konar minningargjöfum, áheitum og öðrum gjöfum, er sjóðnum kann að berast.

30

17. marz

Tilgangur sjóðsins er að bæta kjör munaðarlausra barna og unglinga, þeirra er misst hafa báða foreldra sína eða af einhverjum ástæðum njóta ekki umhyggju þeirra né annarra, sem ganga þeim fullkomlega í foreldra stað.

4. gr.

5. gr.

Sjóðurinn skal ávaxtast þar sem sjóðstjórnin á hverjum tíma telur hyggilegt. Höfuðstól hans má aldrei skerða, en úthluta ber samkv. 4. gr. tveimur þriðju hlutum árlegra tekna hans, þegar sjóðurinn er orðinn fullar kr. 100 000.00.

6. gr.

Stjórn sjóðsins skipa 3 menn: Biskup Íslands, fulltrúi barnaverndar, sem fer með eftirlit munaðarlausra barna á hverjum tíma, og einhver ættingi Ólaffi Ólafs-dóttur, sem tveir hinna fyrrnefndu stjórnarmeðlima koma sér saman um.

7. gr.

Stjórn sjóðsins skal halda gerðabók fyrir sjóðinn. Reikningsár sjóðsins er almanaksárið. Reikninga sjóðsins skal endurskoða og birta opinberlega árlega.

8. gr.

Leita skal stjórnarráðssamþykktar á skipulagsskrá þessari og hún birt í B-deild Stjórnartíðinda.

31

17. marz

Staðfesting forsetans á skipulagsskrá fyrir „Föðurtúnasjóð“, útgefin á venju-
legan hátt að mandatum af dómsmálaráðherra 17. marz 1954.

Skipulagsskráin er þannig:

SKIPULAGSSKRÁ

fyrir Föðurtúnasjóð.

1. gr.

Föðurtúnasjóður er stofnaður af P. V. G. Kolka héraðslækni og konu hans, Guðbjörgu G. Kolka, samkvæmt yfirlýsingu hans á sýslufundi Austur-Húnavatns-sýslu 1950 þess efnis, að hann gæfi til væntanlegs héraðsspítala á Blönduósi ágóðann af útgáfu bókarinnar „Föðurtún“. Heimilisfang sjóðsins er á Blönduósi.

2. gr.

Stofnfé sjóðsins er:

- a. Kr. 25 000.00, sem stofnendur hafa afhent gjaldkera héraðsspítalanefndar sem framlag til húsbýggingarinnar.
- b. Það, sem enn er óselt af upplagi bókarinnar „Föðurtún“, 4—500 eintök.
- c. Ritlaun þau, er stofnanda ber fyrir greinaflokk hans „Líf og heilsa“, sem birtist í Morgunblaðinu.
- d. Útgáfu- og sýningarréttur að leikritinu „Gissur jarl“, sem er geymt í vörzlum stofnenda í handriti.